

— 416 —

lesen. Daß wir mit derselben herschaft von Üsenberg, vnd mit vnserre herschaft von Hachberg vns verbunden haben, zuo den wisen bescheiden lüten, dem burgermeister, dem rate, vnd den burgern gemeinlich, der stette zuo Friburg in Brisgöw, daß wir denen eweklich mit vns selben, mit libe vnd mit guote, vnd mit allen vnsern herschaften, geraten vnd beholfen sollen sin, vnd sü in alle vnser festinan, Kenzingen, Kurenberg vnd Hachberg, vnd gemeinlich alle vnser festina, in vnd vß, vf vnd ab sollen lassen, mit lügel vnd mit vil, wie vnd weles weges, wenne vnd wie dicke sü wellent, vnd das bedörfent, ane alle geuerde. Wir hant och gelobt vnd geloben mit difem brief, dieselben herschaften beide ze versehent, also daß si nüt lidig werden, defeim herren, vnd wenne der vorgebant rate von Friburg, oder der merteil des rates da erkantim oder vorhte hettin, daß si lidig murdin, so sönt wir es derihtig versehen, als denne notdürftig ist, vnd der vorgebant rate, oder der merteil des rates heissent vnd erkennenent, noch sönt och der festinan deheimen weder vergeben, noch hin gen, noch versezen, noch verkoffen deheim wise, noch in deheim weg hin liben, noch vertuon, damit wir oder vnser erben davon kommen möchten, gerwe oder an deheim teil, deheim wise, an alle geuerde. Were och, daß die vorgebant herschaft von Üsenberg von vns erlöset wurde, als die brief stant zwischent vns vnd Friderichen von Üsenberg vnserm öheim, so sönt wir vor vß geben, vier hundert vnd vierzig march silbers, den vorgebant, dem rate vnd den burgern zuo Friburg, vnuerzogenlich, die sü vns an difem kofße gabent, da wir die vorgebante herschaft von Üsenberg kofstent. Die drü verlöcher an dem muore zuo Kenzingen, die sönt och eweklich beliben, als si iegant sint, wenne die herschaft an vns gefellet, vnd wenne vnser öheim Friderich von Üsenberg enist vnd die herschaft an vns geuallet, so sönt die verlöcher dannanhin oder üb noch deheims da gemachet murdi, eweklich offen beliben, vnd das man nozit dafür noch dar in legen, noch machen sol, tages noch nachtes, daß üt geirren